

天府廣記

天府廣輿記卷之九

帝王廟

帝王廟在阜城門內大街街之西永樂遷都北京諸祀畢舉惟
帝王無廟嘉靖十年中允廖道南請改大慈恩寺興辟雍以行
養老之禮撤靈濟宮徐知謬知謬二神改設歷代帝王神位仍
配以歷代名臣禮部復言今圖子監乃祖宗以來臨幸之地恐
不必更革梵宇舊址重立辟雍惟都內喜佛寺係元人淫祠敗
壞風俗相應毀棄靈濟二神當時已當罪名敕圖宜撤去但所
在窄隘不足以改設帝王殿廟宜擇地別建得旨邪鬼淫像可

使毀之帝王廟工部其相地卜日興工于是工部銷毀淫像舍
官相擇帝王廟地因皇城門內保安寺故址舊為官地改置神
武後闢而中宮陳休齋其餘為私宅地執整潔且通西垣可瞻
還而為新之詔可遣工部侍郎錢如京提督工程名景德崇聖
之殿東西兩廡南砌二壇壇後為祭器庫前為景德門門外
東為神庫神厨宰牲亭鐘樓又前為南衙門東西三坊曰景德
洪武元年祀三皇用太牢以勾芒祝融風后力牧配四年令
天下立三皇廟歲春秋祭已而祭於陵是年命禮官參考古
帝王在中原安養人民者三十四君合祀之擇名臣從祀六
年上從禮官言古帝王有父子祖孫合祀非禮乃別立帝王

廟同堂異室祀三皇五帝禹湯文武漢高光武唐高祖太宗
宋太祖元世祖其宇成賢居令所在有司祭於陵七年聖帝
王宋兗坐像上曰伏羲神農未有衣裳之制勿如冕服二十年
以武成王從祀去王號二十一年禮官擇歷代名臣始終全
節者三十五人請從祀上曰趙普負太祖不忘不可祀元本
華黎安童祖也不可祀孫而去祖宜祀本華黎羅安童并伯
顏阿木魯祀又曰漢陳平馮異宋潘美皆宜祀又曰文王雖
基周命終守臣節唐高祖有天下本太宗也可勿祀祀於陵
增祀隋文帝是年廟火改建於欽天山之陽去隋文帝又增
帝王壇於大祀殿以孟春從祀天地惟仲秋祭於廟嘉靖九

年罷南郊從祀禮官請加南京廟春祭上不從令建廟京師
以歲仲春秋祭罷南京廟祭十年春祀之文華殿是年廟成
殿中奉安太昊伏羲氏炎帝神農氏黃帝軒轅氏東春安帝
金天氏帝高陽氏帝高辛氏帝陶唐氏帝有虞氏西春安夏
禹王商湯王周武王又東春安漢高祖皇帝漢光武皇帝又
西春安唐太宗皇帝宋太祖皇帝元世祖皇帝東虞則風后
皋陶龍伯益傅說召公奭召穆公虎張良曾泰為一壇西虞
則力牧董伯夷伊尹周公旦太公望方叔蕭何陳平為一壇
東之次則周勃馮異房玄齡李靖李晟潘美兵飛許遠為一
壇西之次則鄧禹諸葛亮杜如晦郭子儀曹彬韓世忠張浚

張巡木華黎為一壇從祀是年上親祭修撰姚淡請罷元世祖并從祀之臣木華黎等禮官議不可給事中陳棻復言之乃罷凡歲仲春秋太常寺題請遣大臣一員行禮四員分獻凡子午卯酉之秋上傳制遣樂舞生祭於陵其年罷秋祭昔人議罷唐高祖而祀太宗為非者謂溫大雅大唐創業起居注義旗之初皆由帝旨大郎二郎尚未軒輊及入關東討秦王力雖多然身係嗣胤何殊將帥禁門之舉不無遺議焉而遽謂功蓋彼出繼父祀子靈豈無知至于後祀云者以臣事居耳中與諸君未聞俎豆而其臣儼然且仲虺列於見知甘盤稱為舊斧梁公之伐遠過西平淮陰之寬有同武穆而舍

彼取此義復何居也

附載

幽州古有虞舜廟唐德宗貞元十二年八月重修韋稔撰頌
顏頤楷書其碑至元時尚在傳以為顏真卿書謂之復廟碑
元人秋濶王惲有大都復虞帝碑記甚著靈異

元世祖廟在皇城西金城坊洪武十年以世祖有功德于燕
土不可絕其血食命建廟有司歲時致祭正統四年五月復
命順天府重修至京師帝王廟始置其祭

三皇廟在太醫院之北名景惠殿永樂中建前為景威門門
東為神庫西為神廚中奉安伏羲神農黃帝皆南向以勾芒

祀融風后力牧氏龍以饒貨李思史區天師岐伯愈跗白高
少俞少師相君太乙雷公馬師望伊尹神應王扁鵲倉公淳
于意張叔東廣王叔和華陀皇甫謐巢元方抱朴子葛洪吳
人孫思邈藥王韋慈藏敬立子玉朱錢乙朱鉉劉元素張元
素李果朱彥修西廡從祀歲仲春上甲甲屬東方日太常寺
太取生氣

題請建禮部堂上官行禮太醫院堂上官二員分獻仲秋上
甲如之嘉靖初復建聖濟殿於內以祀先醫春秋祭同三皇
而以太醫院主之二十一年以太醫院廟制缺隘弗稱命展
拓今廟隨從禮官議增從祀饒貨李等二十八人隆慶四年
禮部侍郎王希烈言三皇繼天立基功在萬世詎止一醫哉

國家既祀於歷代帝王以明正統之有自又祀於文華東室
以邇道統之相承可謂禮義脩具矣乃又雜之以醫師之流
使其祖且不亦瀆而褻乎又配之以勾芒祝融風后力牧安
取義乎且公署中止宜有祠不宜有殿景惠殿之設於醫院
已非其地矣而況聖濟殿之所祀者不過先賢遣祀者不過
醫官耳乃醫院則祀以三皇遣以部臣何內外互異而輕重
失倫也臣愚謂宜存其祠子裁其瀆祀俱遠太醫院官生祀
先賢一如聖濟殿之禮於名義為稱可以遵行尚書殿士儋

文廟

文廟在城東北國學之左元太祖置宣聖廟於燕京以舊樞密院為之成宗天德十年京師廟成明太祖改為北平府學廟制如故永樂元年八月遣官釋奠仍改稱國子監孔子廟尋建新廟於故址中為廟南后東西兩廡丹雘西為庖所正南為廟門門東為宰牲亭神廚西為神庫持敬門門正南為外門正殿初名大成殿嘉靖九年改稱先師殿廟門為廟門萬曆二十八年廟宇易以琉璃

先聖先師孔子之位

洪武定大成文宣王木主長三尺三寸五分連上雲下座
共五尺二寸濶七寸連左右雲共一尺一寸五分嘉靖中
定先聖先師木主高二尺三寸七分濶四寸厚七寸座高
四寸長七寸厚三寸四分朱地金書

四配

復聖顏子

宗聖魯子

述聖子思子

亞聖孟子

木主洪武制各長一尺九寸五分連上雲下座共三尺濶

五寸連左右雲共一尺一寸嘉靖中改各高一尺五寸闊
三寸二分厚五分座高四寸長六寸厚二寸八分漆地是
書敬聖公神主與四配同

十哲

先賢閣子楨

冉子耕

冉子雍

宰子予

端木子賜

冉子求

仲子由

言子偃

卜子商

顏孫子師

木主洪武制各長一尺九寸闊四寸連座共二尺五寸嘉

靖改高一尺四寸濶二寸六分厚五分座高二寸六分

四寸厚二寸赤地墨書

東廡從祀

先賢滄臺子誠明

原子憲

南宮子造

商子璽

漆雕子開

樊子須

公西子赤

梁子鍾

冉子孺

伯子度

冉子季

漆雕子徒父

漆雕子哆

商子澤

任子不齊

公良子孺

奚子容蒧

顏子祖

甸子非疆

秦子高

公祖子句茲

縣子成

蕪子侵

顏子之僕

樂子欬

邾子翼

公西子與如

公西子蒧

陳子亢

琴子牢

步叔子乘

先儒左子丘明

伏子勝

高堂子生

后子含

董子仲舒

王子通

歐陽子修

謝子莊

司馬子光

程子顥

楊子時

羅子從彦

陸子九淵

朱子熹

吳子德秀

許子衡

陳子猷章

王子守仁

西廡配祀

先賢宓子不齊

公冶子長

公智子葵

高子榮

司馬子耕

有子若

巫馬子施

顏子辛

曹子邨

公孫子龍

秦子祖

顏子高

穰子駟赤

石子作蜀

公復子旨

后子虔

公子肩定

郭子單

罕父子黑

榮子旂

左子人郢

鄭子圖

原子元

康子潔

叔仲子會

狄子黑

孔子忠

施子之常

秦子非

申子振

顏子噲

先儒公羊子高

穀梁子赤

毛子美

孔子安國

杜子之泰

韓子愈

胡子瑗

周子惇頤

張子載

程子頤

胡子安國

張子斌

李子個

呂子祖謙

蔡子沅

薛子瑄

胡子居仁

先賢木主洪武制各長一尺七寸濶三寸連座共二尺一寸
嘉靖改高一尺四寸濶二寸六分厚五分座高二寸六分長
四寸厚二寸赤地墨書

先儒木主洪武制同諸賢嘉靖改各高一尺三寸濶二寸三
分厚四分座高二寸六分長四寸厚二寸赤地墨書

孔子廟祀自漢普及隋或稱先師或稱先聖宣尼宣父至唐至

宗始謚為文宣王宋真宗加號至聖元成宗始加號大成崇武

初上如江淮府及如南昌皆先謁文廟洪武元年令仲春秋上
丁傳制遣官祭先師於國學丞相初獻翰林學士國子祭酒亞
終獻四年司業宋濂上孔子廟堂議曰世之言禮者咸取法於
孔子不以古之禮祠孔子祭祀不敬則無福奈何今之人與古
異也古者主人西面几筵在西也漢章帝幸魯祠孔子嘗西面
再拜開元禮先聖東向先師南向三獻官西向備古意也今祭
開元二十七年之制違神南面非神道尚古之意矣古者木主
棲神天子諸侯廟皆有主大夫東帛士結茅為殿無設象之事
開元禮設先聖神座於堂上兩楹間先聖東北莞席尚攝地而

祭也今因開元八年之制擇土而肖像焉夫神而明之之義矣
古者准中燭蒿求神於陰陽也今用重簫代之非簡乎古者朝
覲會同郊廟祭饗皆設庭燎司烜共之火師道之示嚴敬也今
已兼炬當之非渎乎古之有道有德者使教焉死則以爲樂祖
祭於瞽宗謂之光師若漢禮有高堂生梁有制氏詩有毛公書
有伏生也又凡始立學者必釋奠於先聖先師釋奠必有合謂
國無先聖先師則所釋奠者當與鄰國合若唐虞有夔伯夷周
有周公魯有孔子則不合也當是時學者各祭其先師非其師
弗學非其學弗祭學校既廢天下莫知所師孔子集群聖之大
成顏曾思孟實傳其道尊之以爲先聖先師而通祀於天下國

冠若七十二子止于國學設之庶幾不悖禮意開元禮國學祀
先聖孔子以顏子等七十二賢配諸州惟祀顏之宗莊老賈遠
之恩細行杜預之建短喪焉融之黨附蔡家亦廁其中吾不知
其何說也古者立學以明倫子雖齊聖不先父食父矣禹不先
鯀湯不先契文王不先不屈宋祖帝乙鄭祖厲王備上祖也今
回參復坐享堂上而其父列食於廡間顛倒彝倫莫此為甚吾
不知其何說也古者士見師以菜為饗故始入學者必先釋菜以
禮其先師其學官時祭皆釋奠今專用春秋非矣釋奠有祭無
尸釋菜無樂是二釋之重輕以樂之有無也今襲用親漢律所
製大成樂乃先儒所謂亂世之音可乎哉古者釋奠釋菜名義

雖存而儀注皆不可攷開元禮彷彿儀禮餽食篇節文為詳所
謂三獻獻後各飲福即尸酢主人主婦及賓之義也今惟其煩
唯初獻得行之可乎哉他如廟制之非宜冕服之無章器用雖
乎雅俗升降昧乎左右此類甚多更僕不可盡若乃建安燕氏
欲以伏羲為道統之宗神農黃帝堯舜禹湯文武次而列焉皋
陶伊尹太公周公登履契稷益傳說箕子皆天子公卿之師式
宜秩祀天子之學若孔子寔兼祖述憲章之任其為通祀則自
天子下達苟如其言則道統益尊三皇不泯於醫師太公不辱
於武夫矣昔周立四代之學學有先聖虞庠以舜夏學以禹殷
學以湯東膠以文王各取當時左右四聖成其德業者謂之先

師以祀享爲此天子立學之法也上不喜謫諫是年令進士釋
褐行釋菜禮更定釋奠祭器禮物器用磁牲用熟丁祭樂六奏
蓬豆各十擇監生及文職大臣子弟在學校者充樂生五年
罷孟子配享踰年上曰我聞孟子辨異端闢邪說發明孔子之
道宜配享如故六年學士承旨同侍講學士詔鳳上釋奠樂章
舞六佾禮部尚書牛諒上禮儀制曰可遣御史陳寧釋奠胡丕
相言誠意伯不陪祭顧受胙土曰基學聖人之道不陪祀使勿
學者何以勸既不與祭而享胙禮乎尋奉一月率坐不舉率半
月七年仲春上下日食改仲丁上既作文廟廟成遣官以太牢
祭遂視學釋奠詔天下學通祀孔子頒釋奠儀正截鎮海濱城

隲忠臣烈士封號惟大成至聖文宣王及配享從祀諸賢儒如
故十七年議大成樂二十六年頒大成樂器於天下府學令州
縣學式於府二十九年從行人司副楊砥議罷楊雄進董仲舒
永樂元年八月遣官釋奠先師尋建廟京師八年正文廟聖
賢繪塑衣冠

正統元年刊定從祀名爵位次二年進胡安國蔡沉真德秀
三年祭祀孔子於釋老宮令祭物非其產者以所產代八年
從輔臣楊士奇議追封元吳澄為臨川郡公從祀

景太六年加太學兩廡祭物

成化二年追封仲舒為廣川伯安國建寧伯沉崇安伯德秀

浦城伯十二年祭酒周洪謨請改大成至聖為神聖廣運加
服衾冕十二籩豆舞八佾又言古者鳴球琴瑟堂上之樂笙
簫祝敎堂下之樂而干羽舞於兩階今干羽居上樂器居下
宜正如禮下禮官議尚書周幹言正統十二年御史請加孔
子帝號英宗不允今考神聖廣運乃伯益伯翳走之詞不若
大成至聖本於孟子中庸無擬議

洪武中建南京太學廟用神聖當時祭酒宋訥碑文曰像不
土繪夷習乃革今廟塑像徒仍元舊不忍撤毀故有冤疏原
非國典籩豆佾舞之數成憲具在不敢輒議惟佾數居下宜
今太常考正從之謨又以請上曰尊崇孔子朝廷盛典籩豆

倫彝從洪謨言

弘治元年上視學從吏部尚書王恕請釋奠用太牢加幣致
齋一日是年諫官請罷況融弼進禮部侍郎薛瑄下禮官
集議言雖已黜於洪武時瑄無著述况等有羽翼聖經功遠
已當足時學士程敏政言融弼載聖訓向達何休王肅預入
人宜罷鄭玄盧植鄭玄服虔范甯五人宜祀於其鄉况雄實
相伯仲言者併欲黜况宜也申張中堂本一人宜從張家語
七十弟子不及公伯寮秦冉顏何蘧瑗林放宜祀瑗於衛祀
放於魯寮及冉何宜罷禮祀傳于后倉與王通胡瑗皆宜祀
顏淵子思配於廟殿而父坐庭廡非禮宜別立祠廟中祀啟

聖王以祀國公無由萊蕪戾點泗水戾鯉都國公孟孫氏配
永年伯珣獻靖公松從祀下禮官議不可遂已彬陽何孟春言
七十子有公孫尼子者作樂記緇衣宜祀敏政不及尼子何
也或曰尼子即龍也四年祭酒謝鐸疏請黜吳澄進楊時不
報八年大學士徐溥又言時入朝首請罷安石配享廢其新經
有衛道功或疑其出處之際而少其著述殆未之考也上從
之追封時將樂伯從祀十四年謝鐸以侍郎領祭酒事又言
人倫莫大於君臣父子願曾思配享堂上而其父列廡下非
禮宜於闕里別廟祀叔梁紇而以路督子魚配吳澄宜罷禮
官不合遂已

嘉靖九年欲改文廟制度上自作正孔子祀典說下禮部送
史部而爭者紛紛大學士張璁復上疏并撰為或問以進於
是改大成至聖文宣王為至聖先師孔子神位四配為復聖
顏子宗聖曾子述聖子思子亞聖孟子神位十哲以下凡及
門弟子皆止稱先賢某子神位申党申儀二人疑無據以論
語為証乃存儀去党而公伯寮秦冉顏何荀況戴聖劉向賈
逵馬融何休王肅王弼杜預吳澄十三人俱罷從此林放道
瑗鄭衆盧植服虔范甯七人令各祀於鄉居答王通歐陽修
胡瑗四人增入從祀用敘唐事兼翰林院學士程敏政之言
也尋用行人薛侃議增陸九淵凡舊封公侯伯爵盡皆並去

仍改大成殿為先師廟大成門為廟門時徐階疏辨改號易像為非宜帝怒切責之既而復疏曰聖謨洋洋非臣所能窺測上謂其諛佞謫延平府推官且立佞人碑十一月奉詔行兩京國子監責令祭酒等官通行改正以稱崇儒重道之意於是車駕重幸太學仍行南京遣官祭焉

隆慶五年言官以薛瑄請下禮官議進瑄先是隆慶元年言者並請新建伯王守仁翰林檢討陳獻章從祀議未決

萬曆十三年十一月言官復以陳獻章王守仁從祀請併議布衣胡居仁及諸儒十輩下禮部會九卿科道儒臣議衆論俱屬居仁而多詆獻章於守仁更甚禮部尚書沈鯉據衆論

具疏曰從祀一事持久不決必煩廷議者則以在廷之臣可
以盡天下之公議而衆言會同人品自定所以要之於歸一
之論也今預議諸臣舉從祀者莫不以胡居仁第一即有次
及居仁與其不舉者亦毫無異議及臣等攷其平生與其論
者亦大都淵源孔孟純粹篤實一時名士如羅倫張吉妾純
周瑛高朗賀欽羅欽順張元禎之類皆極口稱之此於羅瑄
而以其論著與瑄之讀書錄並傳焉斯其為孔子之徒已彰
明較著有歸一之論矣如蒙俯賜采納容令臣等以居仁行
實撰議上覽特允從祀自足以仰承德意增重儒林豈必求
脩蓋我明道化翔洽人文輩出二百年間侑孔廟者僅薛瑄

又誠慎之矣今距祀壇之後未二十年而又得居仁與之並
祀亦所謂旦暮過之比肩而立者雖一人不可謂少也至
如守仁之學在致良^知獻章之學在於主靜皆所謂家際
之士但預議諸臣與之者僅十三四不與者已十六七又一
時與議之臣亦多有耆舊老成直諫多聞之士而不皆為二
臣左袒者是與論未洽而事久論定向非其時也如皇上以
我朝人文遠軼前代不宜寥寥焉若是臣等謂居仁而祀不
可謂寥寥矣蓋隆古以選士之以行誼道德今聞長世者非
托之於顯位則托之於門閥非托之於文章則托之於勲業
順風疾呼蔽聞易達所藉然耳如居仁者固深山窮谷之士

而市良常帶之夫自非其德有過人負一代之斗山於當世
雖擇地而趨嚙心而語其誰為傾耳而聽正目而視者惟皇
上超然遠覽拔之於儔伍之中崇之以宗祝之位則日月之
光賁及皇節雖在齊民無不興起比于祀壇尤為盛事詎臣
等之所謂一不謂少也至如蔡清羅倫章懋董仲昭陳真晟
呂柟羅欽順鄒守益中間或有專祀者乃望推廣德意率
祀於鄉通矣論定之日另議從祀則仁至義盡真可謂天下
萬世之法而薪樞之道以光蘋藻之禮不濫一簋而二物具
矣疏入不報

大學士申時行等內主守仁具揭言詆訾守仁獻章者謂各立

門戶宗旨近於禪學耳夫孝友出處如獻章氣節文章如守
仁而謂之禪可乎蓋今之儒者袁太博常以為容而究其定
用徃徃病於拘曲博物洽聞以為學而究其定得徃徃徃徃
見聞今誠祀守仁獻章一以明真儒之有用一以明實學之
自得若居仁之純心為行衆議所歸亦請併祀上以中旨予
之先是集議守仁從祀陸伯宗樹穀持之甚力浙人陶大臨
曰朝廷不難以伯爵予之何況廟祀陸曰伯爵一代之典從
祀萬代之典人服其言又徐宗伯學漢識餘錄曰嘉靖中全
廷臣議兩廣總督王守仁功罪吏部尚書桂夢祥言守仁事
不歸古言不稱師欲立異以為高則非朱素格物致知之學

知裏論之不與則著朱熹晚年定論之書號召門徒互相唱
和才美者乘其任意或流於清談庸鄙者借其虛聲遂致於
放肆傳習轉說悖謬日甚其門人爲之標榜至於秋之不死
投之江不死以上清聖聰慶於無忌憚矣宜免奪封爵以彰
國家之大信申禁邪說以正天下之人心上曰卿等議是守
仁放言自肆詆毀先儒號召門徒虛聲附和用詐任情壞人
心術近年士子傳習邪說皆其倡導至於逆濠之變與伍
文定移檄舉兵伐義討賊元首就擒功固可錄但兵無節制
奏捷誇張近日捲輿塞夷恩威倒置所封伯爵本當追奪但
係先朝信令姑與終身其沒後恤典俱不准給都察院仍榜

論天下敢有違戾邪說累於非聖者重治不赦據廷議執論
頗公即守仁復生亦難逃責守仁固一代豪傑功自難泯第
學則有疵致良知之說非但闢朱子格物之論而於孔子博
文約禮之教亦大悖矣蓋襲西方之餘緒以誘惑愚誕也皆
中果於述聖語豈非萬世之公往哉頃竊從祀當事者寧心
皇祖之訓疑所謂虛譽附和者其徒方盛不得不為庶寧到
傳耳或曰出自內旨聞臣將順之耳其故不可得而知也

崇禎十四年八月諭朕覽我聖祖命儒臣纂輯五經四書大
全其中作述傳註引証等項惟宋儒周子而程子朱子張子
邵子為多可見理學大明於宋而周程等諸子大賢哲大學

問大有功於世固已昭然天下萬世矣然與周秦漢唐等諸
儒並稱先儒竊謂不安但位次題稱進行已久豈有不可輕率
更改者茲欲特加崇隆是否可行着禮部翰林院太常寺國
子監禮科等衙門會同詳慎察來看禮部會議家儒周惇頤
首倡範學朱熹大集儒成程頤程顥張載邵雍皆弘開聖學
力闢邪說使在七十子之列實可入室升堂誠宜追稱先賢
以彰命世又察得漢董仲舒生秦火灰燼之後主祭天人降
王通當六朝喪亂之儒獨振性教唐韓愈起衰振溺斥佛尊
聖亦皆一代真儒千秋特異若並稱先賢之號似亦無復間

上命候旨行

崇禎十七年甲申二月春祭遣大學士魏藻德行禮是日天
氣晴明臨祭各官甫就拜位大風忽起殿燈燭盡滅寔下松
檜作怒號聲黃沙如雨下竟不能行禮而罷按元世宗以來
小黃門李印寧為左丞相釋奠孔廟方就拜位亦有異風之
變夫子在天之靈赫奕如此

廟祠

京師佛寺道宮鵬吻相望皆淫祀也律以聖王之法宜盡
付之祖龍矣故不具載而以正袖名賢之廟祠領祭於太
常京府者載焉

都城隍廟在都城之西永樂中建中為大威靈祠後為寢祠左
右為二司兩廡為十八司前為闕威門外左右為鐘鼓樓又前
為順德門又前為都城隍門廟中有石刻北平府三大字按洪
武二年以周禮有司民之祭封京師都城隍祭之三年正城隍
神號去封爵命春秋從祀於山川壇三十年改建廟詔劉三吾
曰朕設京師城隍俾統若府州縣之神以監察民之善惡而禍

福之俾幽明衆不得僥倖而免其害所由於由二十一年復以
從祀大祀殿罷山川壇從祀歲仲秋日遣太常官祭

城隍之名見於易若廟祀則莫究其始唐李陽冰謂城隍神
祀與無之惟吳越有公宋楚與時辨其非以為成創城隍祠
太和中李德裕建李白作常鄂州碑有城隍又杜牧刺黃州
歸愈刺潮州鮑信陵刺舒州皆有城隍之祭則不獨吳越然
矣而燕胡城隍祠建於吳赤烏二年則又不獨唐而已記曰
天子大蜡八伊耆氏始為蜡注曰伊耆氏堯也蓋蜡祭八神
水庸居七水則隍也庸則城也此正城隍之祭之始春秋傳
鄭災祈於四鄰宋災用馬於四鄰皆其証也庸字不同古通

周耳由是觀之城隍之祭蓋始於堯矣

漢壽亭侯廟在宛平縣之東初洪武二十八年建廟於鷄鳴山
祭漢壽亭侯關公羽永樂年廟祭於京師成化十三年奉勅建
廟於宛平之東中塑神像前為馬殿外為廟門京師謂之白馬
廟蓋隋之高基也嘉靖十年南京太常寺少卿黃芳以漢壽亭
封邑而亭侯者爵也止稱壽亭侯誤矣乃改稱漢前將軍漢壽
亭侯歲五月十三日太常寺題建本寺堂上官致祭凡國有大
災則祭告

公於後主景耀三年追諡壯繆侯宋徽宗崇寧元年追封
忠公大觀二年加封武安王宣和五年勅封義勇武安王高宗

建炎二年加封壯繆義勇王淳熙十四年加封英濟王勅曰
生立大節與天地以並傳沒為神明亘古今而不朽荆門
軍當陽縣列神壯繆義勇武安王名著史冊功存生民一方
所依千載如在凡有禱於水旱雨暘之祭若或見於庶萬懷
愴之間英烈言言可畏而仰廟貌奕奕雖遠並斯爰歆王封
仍加美號豈特顯爾神威德之盛亦以慰此邦父老之情尚
祈靈助服我休顯可特封壯繆義勇武安英濟王奉勅如右
牒行淳熙十五年十一月二十一日萬曆四十二年秋奉勅
晉封三界伏魔大帝神威遠鎮天尊開聖帝真居雲長本字
長生雲長其列字也公忠貫一時氣蓋千古封之為王豈公

之志至曰真君蓋不可聞於公也明翰林焦竑正陽門廟碑
文曰正陽門廟者祀漢前將軍閼侯作也矣廟祀遍天下而
稱正陽門者為都城作也侯名在百世封號在累朝而稱漢
前將軍者侯志也斯得之矣

宋司馬智玉泉寺壽亭侯印記紹興中洞庭漁人獲壽亭侯
印競以為金報於宮納長沙庫中時有光焰吏不敢留移文
公安送還侯廟印徑二寸其制甚古印鈕有連環四面兩相
貫上有一大還總之所以佩也淳熙四年冬元庵真菴募畫
印狀具本末將獻於東宮是夕即晉方丈光發於玉輝燭檠
廡寺有仁宗皇帝所賜龍符龍角二物宜與印同藏名山永
為鎮寶焉予與元庵為方外遊遠訪雲跡悉所經見故得而

詳之

閔前將軍贊曰嗚呼篡漢者瞞也成瞞篡者植也瞞名漢臣也實漢賊也植陽瞞敵也陰瞞翼也公批亢於前而不虞在於腹七軍甫淹六師隨厄使永安之恨不在許昌而在公安建興之師不出樊城而出祁山安樂之牋與歸命之璧而相後先惜哉雖然不以閔關而廢兄弟不以亂離而廢君臣其峙如昔山嶽澄如昔川流而炳如昔日月星辰嗚呼此其所以亘古萬而猶神也耶

秋梁公祠在昌平舊治北元戎宗大德二年因舊基重建學

士宋渤為記明正統十三年更新之命順天府歲時致祭

昌平令有老嫗泣訴虎害其子仁傑為文顯神未幾虎伏
階下乃告於裏而殺之萬歲通天中契丹陷冀州河北震
動懼仁傑為魏州刺史前刺史懼賊至驅民保城修守具
仁傑至曰賊在遠何自疲民悉縱就田廬已引去民愛仰
之為立祠俄轉幽州都督賜紫袍龜帶后自製金字十二
於袍以旌其忠

范文正仲淹曰公嘗赴并州探過太行山反瞻河陽見白雲
孤飛曰吾親舍其下久而不能去左右為之感動詩有陟岵
陟屺傷君子於役弗忘其親此公之所謂與吁嗟乎孝之至

也忠之所由生乎

宋丞相文信國祠在順天府教忠坊學宮西乃元之蔡市公校
命所也祠乃元時所建永樂六年太常博士劉履節奉命正祀
典謂天祥忠於宋室而燕京乃其死節之所舊有祠不稱請加
修葺從之正統七年府尹王賢奏宋丞相天祥元時塑像用儒
士服宜令禮部考宋時丞相冠服改塑從之萬曆庚辰督學商
為正遷祠於學宮之東江右士紳即其地建懷忠會館祠堂三
楹前為門又前為大門

元人王惲記曰至正十一年十二月十四日國兵自陽邏泚
渡江明年十二月臨安降慶宗二庶子為陳宜中文天祥張

世傑擁入許浦江口時有黑龍見因改號景炎十六年為師
臣張弘範滅於崖山口乾文天祥至大都囚之上屋欲出
相之竟不從十九年十二月初九日戮於燕南城紫市

元人吳萊曰頃予嘗從鄉先生學見福唐劉汝鈞貽書括蒼
吳思齊子善論文丞相宋瑞事云自江西初起時崎嶇山谷
購蒙義徒畊此洞丁造轅門請甲伏不啻數萬而戶王寶為
驍將大夫冠指麾衆皆詣闕感泣求死已而當國二於交沮
用兵師無宣諭卒無犒賞盤桓月餘僅令守姑蘇一路張彥
提重兵居毗陵且有叛志戶王竟以絕太湖柁橋首尾不救
而溺死未幾獨松告急朝廷回詔政府六書趣奔聊攝援報

本一日一夜倉皇就道至行都而獨松隨已破陷復令駐兵
餘杭守獨松朝議不一衆心離散會有尹京之命餘慶遣奉
其守不予漢輔通德剛道北軍入城與旌又絕江道乃即日
拜樞使又拜右揆補與權處且令往軍前講解毅然請行及
被囚以北中道奔迸收集散亡無兵無糧天下大勢去矣帝
伯交馳正偽更作是不一姓當世之為大臣元老者視易姓
如閭閻郵況當滄海橫流之際而彼乃以異姓未深得朝廷
事權欲隻手障之至死不屈微箕子且有愧色於宗國矣
其書大畧如此

趙鼎作文山傳云公既赴義其日大風揚沙天地晝晦咫尺

不翔城門盡開自此連日陰晦宮中昏秉燭而行群臣入朝
亦焚炬前導世祖問張真人而悔之贈公特進金紫无祿大
夫保中書平章政事廬陵郡公謚忠武命王積弱書神主遷
塋柴市設壇以祀之丞相李羅行初奠饌忽狂飈旋地而起
吹沙滾石不能敵目俄其神主於雲霄中空空隱隱雷鳴如
怨之聲天色愈暗乃改前宋少保右丞相信國公天猷開霽
元人鄧剡贊曰日煌煌兮疎星曉寒氣英英兮晴雷殷山頭
碎柱兮壁完血化碧兮心丹嗚呼孰謂斯人不在世間

附張千載字毅甫文公友也隨公至燕僦居公寓小樓之傍
日以美食進之公既受刑潛造一櫝藏其首訪歐陽夫人於

厚雪中得其尸火之拾骨并墳南歸付其家張公宜附祀祠
中

又載謝公枋得至燕死於憫忠寺按謝公為福建參知政事
魏天祐強之北行自離嘉興輒不食二十餘日不死乃復食
此至燕居憫忠寺間太后既瀛國公所在再拜慟哭疾甚雷
夢炎使醫將藥雜米飲進之怒擲於地不食五日死子定子
護骸骨歸燕京少宮一祠

于少保忠節祠在崇文門內東祿背巷公故賜宅也祠三楹祀少
保兵部尚書于謙塑公像危坐歲春秋遣太常寺官致祭
公被刑于天順元年復官於成化二年賜謚肅愍於弘治三

年改謚忠肅於萬曆十八年

公被刑日陰靈贊天京師婦孺無不流泣夫人流山海關夜夢公曰吾形殊而魂不亂獨面日黦然借汝眼光見形於皇帝次日夫人目失明會皇極門灾英宗臨視公現形火光中上懷然知公冤詔放夫人歸眼明如故

當時綬公誣以迎立外藩王文極口辨公但云召親王非金符不可符在何必辨時印綬監諸璫檢閱各府金符具在獨無襄府者驚懼欲死問一退閒老監云是宣廟上賓時老娘娘以圖有長君社稷之福欲召襄王取入三楊議不合而止符番後官老娘娘張太后也于是歛而得之符在暖閣塵積

李廌祭東坡文云皇天后土鑒生平忠義之心名山大川還
萬古英靈之氣後追錄坡公制詞中全用之憲宗朝追錄于
少保亦全用此語尤確

陳繼儒云土木之變裕陵北狩公痛哭抗疏止南遷之義召
勤王之師也先擁帝至大同至宣府至京城下皆登城謝曰
賴天地宗社之靈國有君矣此一見左傳楚人使兵車執宋
公以伐宋公子目夷令宋人應之曰賴宗社之神靈吾國已
有君矣楚人知雖執宋公猶不能得宋國於是釋宋公又一
見康頤傳秦王逼趙王會渑池康頤送至境曰王行度道里

會遇之禮畢還不過三十日不還則請立太子為王以絕衆望又再見王旦傳契丹犯邊帝幸澶州旦曰十日之內未有捷報當何如帝嘿然良久曰立皇太子三者公讀書得力處也

萬曆十八年撫臣傅孟泰奏太傅于謙社稷名臣被謫受戮得謚肅愍于謚法似未盡協欲改謚忠愍以愍九原部覆諫有鞠躬報國之節有定傾保泰之功第當表其所以成不必悼其所以死合併肅愍二字并為更擬報允後更賜曰忠肅

天府廣紀卷之十

官署

志中載官署其地因附載其職事遼金元官署不可考今所知者順天府元之大都路總管府也國子監金之樞密院也翰林院元之光祿寺也其餘不可考矣明之官署辦事於內者曰直房辦事於外者曰衙門隨其地而列之

大學士辦事內閣在午門內東南隅外門西向閣南向入門一小坊上懸聖諭過坊即閣也初制規模甚狹嘉靖十六年命工匠相度以文淵閣中一間恭設孔聖暨四配像傍四間各相間

隔而開戶於南以為閣臣辦事之所閣東誥勅房裝為小樓以貯書牋閣西制勅房南而隙地添造捲棚三間以處各官書辦而閣制始備

職事入內閣預機務出納帝命率遵祖憲奉陳規誨獻告謨獻點檢題奏擬議批答以備顧問平庶政不得專制元卿事九卿奏事亦不得相聞白元上所下一日詔二日誥三日制四日勅五日冊文六日諭七日書八日符九日令十日敕凡下所上一日題二日奏啟三日表箋四日講章五日書狀六日文冊七日揭帖八日會議九日露布十日譯答審署而詞制為平允乃行之凡東閣出閣講讀領其事叙其官而授之

職掌凡修實錄史志諸書充總裁官實錄成呈上焚其草禁
中凡宗室請名請封及諸臣請謚並擬上馬凡圖書繕寫離
校皆課而察之凡郊祀巡狩親征扈行凡累朝御筆實錄室
訓玉牒之副古今書皆繕而藏之凡會勅繕其由狀而敘述
上請烏凡禮部會試廷試貢生國子生月課歲貢生廷試夷
館譯生皆總領之其屬制勅房書辦制勅詔旨誥命冊表室
文玉牒講章碑碣題奏揭帖一應机密文書及王府勅符底
簿誥勅房書辦文官誥勅番譯勅書並夷書揭帖紀功勅合
皆稽按典故起草進書若漏洩稽緩遺失妄誤皆有罰凡入
內閣曰直文淵閣官至三殿二閣二坊大學士無入內閣者

不得與机務雖編修贊善等宜有入內閣者亦得預机務

洪武元年改中書省左右相國為左右丞相左右丞各一人
參知政事二人以宣國公李善長為左丞相兼少師統六部
事三年召山西參政楊憲為右丞相陝西參政汪廣洋為左
丞相已善長封韓國公進太師廣洋封護軍忠勤伯後以胡
惟庸收善長等皆坐累上御奉天殿勅文武群臣言古三公
論道六卿分職自秦始置丞相而亡漢唐宋因之雖有賢
相然多小人專權亂政自今罷相設五府六部都察院通政
司大理寺分理天下庶務彼此頤頤不敢相侵事皆朝廷總
之以後嗣君不許立丞相臣下敢有奏請設者文武群臣即

時勅奏處以重刑命翰林奉坊官入省詳諸司奏啟平駁之
平允則列名封達署曰翰林院兼平駁諸司文章某官某進
其時召耆儒鮑恂張長年俞銓至命為文華殿大學士三人
辭不就而命吏部尚書邵賢檢討吳伯宗為華蓋武英殿大
學士翰林學士宋訥典籍吳沉為文淵閣東閣大學士皆侍
左右倫顧問然不得平章軍國事永樂入踐極始開內閣于
東角門簡翰林待詔解縉為侍讀中書舍人黃淮王府書理
楊士奇為編修進修撰胡廣為侍講編修楊榮為修撰戶科給
事中金幼孜桐城縣知縣胡儀為檢討入直文淵閣諸六
部大政咸共平章秩五品而恩禮賜賚與尚書等至洪熙初

設謹身殿大學士既又建弘文閣諭大臣曰卿等各有職務朕欲得學行端謹老儒教人日侍燕閑脩頤問可咨訪以聞楊士奇等以翰林侍講王進蘇州儒士陳繼對命學士傳旨繼授五經博士掌閣事進佐之尚書蹇義舉學敏楊敦訓導何澄敦寔即授散館修澄給事中皆直弘文閣於是無蓋謹身武英三殿及文淵閣東閣俱有大學士

永樂初建內閣於東閣門內以解縉等七人在閣辦事以脩顧問永樂之世楊士奇楊榮官止五品是時尚沿國初之舊至仁宗朝陞士奇為禮部侍郎尋加少保轉少傅兼蓋殿大學士榮為太常卿進太子少傅兼謹身殿學士溥為太常

卿兼翰林學士蓋以東宮舊恩非例也後楊崇隆尚書授以工部蓋不欲以兼官屋六卿之上楊溥丁憂起復不入閣宣德間以九年考滿陞禮部尚書至英宗時復命入閣故宣德以前內閣與^外九卿為平交執理持法不相顧忌宣德以後三楊奏重漸柄朝政英宗以九歲登極事凡啟太后太后遜專令內閣議行此內閣票旨之所由始也及楊崇隆卒於正統五年楊士奇卒於正統九年楊溥卒於正統十一年則漸改於其舊及景泰易儲之後雖天子亦藉內閣以為己用但其官品如蕭鐸江淵許彬王一寧商輅等皆不脫學士之銜天順初李賢始以兵部侍郎陞吏部尚書兼翰林學士入閣薛

瑄由大理即陞禮部侍郎兼翰林學士成化弘治多由侍郎陞尚書入閣若先陞尚書則無入閣之命至正德初劉瑾以其私人焦芳吏部尚書入閣蓋以外察之首而入主中秘之權至張敬孚張居正則直以相軼自尊危坐諸卿之上而名委之然兩文忠雖好高不懼絕利一源乃其具美

閣員初無定額洪武初吳宗伯以武英殿大學士復為翰林院檢討永樂初王文忠以庶吉士入翰林未幾召王直入內閣書執事奏疏五年陞修撰十四年進侍講入閣在先授官在後嗣後始以翰林院御直文淵閣然惟胡文穆請修撰楊文敏崇編修彭文憲時商文毅輅以修撰其他黃文簡淮

以中書舍人楊文貞士奇以齊王府審理副陳汝靜敬宗張
子玉瑛以御史金文靖幼孜以給事中胡若思偃以桐城知
縣俞綱以審理權謹以光祿署丞徐武功有貞於都御史李
文達賢於主事王綬愍文薛文清瑄以御史高文義穀于中
書舍人劉宇曹元以知縣袁榮襄宗舉以長史楊文襄一清
以總督張文忠璉方獻夫桂萼二文襄霍文敏輻於主事席
文集書以戶侍許文簡讚以吏書夏文愍言以給事中皆不
由館選自茲會推內閣冢宰掌院必列名至崇禎朝遂定為
故事每次放卜必內外兼推

初設內閣楊文貞士奇列二十三年官止五品後加至少卿

止兼兵部尚書兼蓋殿三官時塞忠定義以少師為冢宰朝廷不欲文貞班居其上以存冢宰之肅也陳芳洲偕維魚五官亦止戶部尚書後李文達賢於吏侍領吏部尚書而彭文憲時商文穀輅萬安相繼領吏部尚書自首遂為首輔故事內閣外出者永樂中解縉為廣西叅議胡儀為國子祭酒宣德中張瑄陳山以干請諸司改瑄為南吏部山專教內書堂景太中江淵出為工部尚書俞綱出佐兵部許彬出為陝西叅議徐有貞出為福建叅政元順中岳正謫為欽州同知後復官止於翰林供事皆不復再入

預閣務不居其職者塞義以吏書夏元吉以戶書朝夕偕顯

問擬旨然不與閣職

以他官兼大學士者如楊士奇以禮侍兼華蓋金幼孜以戶侍兼武英陳山以戶侍兼謹身張瑄以禮侍兼華蓋黃淮以通政使兼武英楊崇以太常卿兼文淵徐有貞以武功伯兼華蓋

殿閣大學士自相兼者如陳循以華蓋兼文淵高穀王文以謹身兼東閣胡廣楊崇金幼孜以文淵兼翰林院學士其內閣諸殿次第自正統間始定其兼併次第自天順間始定然或以所兼保傅為等級或以部分為後先如楊崇以太子少傅謹身位少保黃淮武英下陳山無兼官以謹身位少保黃

淮太子少保金幼孜武英下少保黃淮太子少保金幼孜以
戶部尚書位少傅兵部楊士奇下金幼孜又以戶部楊溥兼
兼官以禮部位工部楊崇下王文以少保吏部位戶部陳循
工部高穀少保太子太傅下皆取其所兼保傅為次序也張
瑄以禮部華蓋殿位戶部謹身陳山下此則以部分為次序也
內閣之職同於占相而所不同者主要擬而不身出與事如
高公拱之兼掌吏部趙公貞吉之兼掌都察院孫公承宗兼
掌兵部俱出而故事入而調旨然惟高為首相二公皆非也
事寄雖重然猶判然而署獨天順間命徐公有貞考察方面
嘉靖間命李公本公別尚書至大小九卿去晉張公璉奉勅

肅清百寮轄公曠分別逆党則政自閣出矣然張公樞掌部
察院事李公因冢宰李公默得罪去亦未可全謂之政出於
閣也政出於閣者獨前武公與後轄蒲州

內閣出為六卿者皆不帶閣銜即出將如楊公一清自家起
改兵部尚書左都御史總督三邊奏詔而出閣九邊如翟公
鑾亦改兵部尚書兼右都御史唯華蓋殿大學士張公璘以
原官掌南京吏部然詘之也文淵閣大學士孫公承宗則亦
以原官督理遼薊津登軍務自邊累官至少師中樞殿則出
將入相者本朝唯中山高陽二公而已然中山帶相御而實
不與机務則又以高陽獨也

文淵閣未有言掌者徐武功有貞以勲臣領之遂改為掌文
淵閣王世貞訊之以謂文淵閣不可掌也吏部左侍郎李賢
為太師尚書兼翰林院學士掌文淵閣事則又不止武功事
也又考解大紳語入閣居七人之首其繫銜亦曰掌文淵閣
事則又不始於武功也

閣臣俱同知經筵此近事也景太初江淵高輅與陳循高谷
同在內閣陳高二人同知經筵而江高二人止稱兼管經筵
閣中有文淵閣印章玉著篆凡封進詔草題奏揭帖用之不
得下諸司即下諸司以翰林院印行諸司行內閣亦止稱翰
林院凡內閣題本用小揭帖楷書斜摺其本餘官銜則發科

抄行止稱臣某則不送科發抄

禁密文書一小匣在几上鑰之而不令大學士輩出鑰其門題懸門上恐禁中不時有宣索也舊規不得舉火皆出食於外宣德時始令置厨庖舍會食中堂

舊制輔臣在直入中出率以為常崇禎壬申後必二鼓始出及己卯遂至四鼓始出間有徹夜者周宜興至始議輪一人宿精微科候傳票精微科九間在午門外西廡其南兵科直房也

東閣在大館之下初時不設官後以翰林學士年深者居之專管文史諸勅事在正統年間已久不設弘治七年復設如

石琚實咏皆以吏部尚書兼學士吳一鵬溫仁和皆以禮部
侍郎兼學士管誥勅嘉靖六年以後文官誥勅俱屬之史官
閣臣首正而已

閣下稱中堂者宣德以前閣下中書同處一堂所謂西房即
文淵閣也閣下居中中書居東西兩房各辦其事已撤內庫
十間以西五間居閣下謂之文淵閣以東五間藏書籍而史
房中書亦遷居之故以閣下稱中堂而東西非房矣猶稱西
房者沿舊名也

制舊紅本到閣首輔票擬餘唯諾而已崇禎中御史倪元珙
疏請分票其後本下即令中書分之首輔之權雖稍分然水

火之端欲而中書之弊種種矣孫高陽承宗曰閣體重首輔
其圖事揆策主之首輔當予陪末綴每見上傳首輔主裁語
不及次首輔即賢次輔以下豈無一得當上或問與首輔相
參差而兩意各主朝士之從意者遂分蓋自古分合之議竟
與國運相隨也又曰朝廷生殺予奪之權閣臣不顯操而賢
者得君以行其公遂能任生殺予奪而天下治不肖者得君
以行其私亦能竊生殺予奪而天下亂故閣臣不必有權而
有其任

何良俊曰唐宋設官並置三省三省皆宰相也一曰中書省
二曰門下省三曰尚書省中書省則置中書令而中書侍郎

左丞右丞左右司郎中中書舍人皆其屬也門下省則古唐
虞納言之言今之通政司是也省中則置僕射侍中門下侍
郎中常侍武騎常侍散騎常侍給事中皆其屬也尚書省則
置尚書而六曹皆設子部其屬則選部考功儀部駕部金部
倉部比部虞衡水部之類皆設郎中員外郎是也凡朝廷有
大政令則由門下省奏上發中書省看詳仍發門下省下尚
書省施行故尚書拜相則曰同中書門下平章事者是也當
時政体互相鈐轄事權常分使門下尚書二省堅持官守不
相阿從則宰相之權初亦甚輕但看詳由於中書則主張處
事皆由其手其權安得不日漸隆重哉故唐末時即有宰相

如元載盧杞秦檜賈似道者蓋由此也近時各部之事皆隸
命閤下所不待言雖選曹有員缺亦送揭與閤然後注選此
不知胡汪當國時有此事否夫威權日盛則謗議日積謗議
日積則禍患日深故自世宗以來宰相未有能保全身名而
去者

列輔起家考

洪武九人先置中書省十五年始置殿閣胡惟庸以上俱中
書省

李善長

徐達 俱總運勳佐

汪廣洋 令史

胡惟庸 軍國參知錄

吳澄 待制

吳伯宗 禮部員外名
祐以字行

宋訥 助教

劉仲賢 宜奉縣訓導

朱善 望城縣訓導

按十五年徵耆儒鮑恂金思誠金詮張鼎張長年諸闕俱命
授文華殿大學士固辭謹列銜未入閣故不載

永樂七人

解縉 中書平吉士

黃淮 中書

胡廣 修撰

楊榮 編修

楊士奇 吳府審理名
寓以字行

金幼孜 給事中
以字行

胡儀 革亭縣教諭
細科

洪熙五人

楊崇 見前

楊士奇 見前

權謹 安樂縣知縣

宣德五人

楊崇 見前

楊溥 編修

陳山 奉化縣教諭
知縣

正統八人

楊崇 見前

黃淮 見前

金幼孜 見前

金幼孜 見前

張瑛 寧州訓導

楊溥 見前

陳循 修撰

馬愉 修撰

高穀 庶吉士

景泰 九人

陳偕 見前

彭時 修撰

俞綱 府署理

王一寧 吏部主事

王文 御史

天順 八人

曾賢 修撰

苗衷 編修

張益 庶吉士

高穀 見前

商輅 修撰

江淵 編修

蕭鑑 編修

彭時 見前

徐有貞 庶吉士

許彬 庶吉士

薛瑄 御史

李賢 吏部主事

呂原 編修

岳正 編修

戚化 十人

彭時 見前

李賢 見前

陳文 見前

商輅 見前

萬安 庶吉士

劉定之 編修

劉珏 庶吉士

劉吉 庶吉士

彭華 庶吉士

尹直 庶吉士

弘治六人

劉吉 見前

劉健 唐吉士

李東陽 唐吉士

正德十四人

李東陽 見前

焦芳 唐吉士

楊廷和 唐吉士

曹元 工部主事

梁儲 唐吉士

徐溥 編修

丘濬 唐吉士

謝遷 修撰

謝遷 見前

王鏊 編修

劉宇 上海縣知縣

劉忠 唐吉士

費宏 修撰

靳貴編修

楊一清中書

蔣冕庶吉士

毛紀庶吉士

嘉靖二十七人

楊廷和見前

費宏見前

蔣冕見前

謝遷見前

楊一清見前

毛紀見前

袁宗皋東府長史弘治庚戌進士

石珪庶吉士

賈詠庶吉士

翟璽庶吉士

張孚敬南刑部主事原名璥

桂萼丹徒縣知縣

方獻夫庶吉士

李時庶吉士

夏言 行人

嚴嵩 庶吉士

張璠 庶吉士

李本 庶吉士

袁燾 編修

李春芳 修撰

高拱 庶吉士

隆慶 八人

徐階 見前

高拱 見前

顏陽臣 修撰

許讚 大名府推官

張治 庶吉士

徐階 編修

嚴訥 庶吉士

郭璞 編修

李春芳 見前

陳以勤 庶吉士

張居正 庚吉士

趙貞吉 庚吉士

張士儒 庚吉士

高儀 庚吉士

萬曆二十人

張善正 見前

呂調陽 編修

馬自強 庚吉士

張四維 庚吉士

余有丁 編修

申時行 修撰

王錫爵 編修

許國 庚吉士

王家屏

陳于陞 庚吉士

趙志皋 編修

張位 庚吉士

沈一貫 庚吉士

朱賡 庚吉士

池 鯉 廣吉士

李廷机 編修

吳道南 編修

秦昌三人

方從哲 見前

韓 爌 廣吉士

天啟二十一人

方從哲 見前

韓 爌 見前

何宗彥 廣吉士

于慎行 廣吉士

葉向高 廣吉士

方從哲 廣吉士

劉一燝 廣吉士

劉一燝 見前

葉向高 見前

孫承宗 編修

沈 澶 唐書士

史繼信 唐書士

丁紹斌 唐書士

朱國禎 修撰

魏廣微 唐書士

顧秉謙 唐書士

張瑞圖 編修

施鳳來 編修

崇禎五十人

韓 爌 見前

孫如游 唐書士

周如磐 唐書士

朱國祚 唐書士

朱延禧 唐書士

馮 銓 唐書士

黃立極 唐書士

李國樞 唐書士

孫承宗 見前

黃立極 見前

李國楷 見前

朱宗道 庚吉士

李 燮 庚吉士

周道登 庚吉士

成基命 庚吉士字靖之以字行

何如寵 庚吉士

溫休仁 庚吉士

鄭以儒 庚吉士

錢士升 休撰

張瑞圖 見前

施鳳來 見前

楊景辰 庚吉士

劉鴻訓 庚吉士

錢龍錫 庚吉士

周延儒 休撰

錢象坤 庚吉士

吳宗達 編修

徐光啟 庚吉士

王應熊 庚吉士

何吾鵬 廣吉士

文震孟 修撰

張至葵 知縣

林鈺 編修

孔貞運 編修

黃士俊 修撰

賀逢聖 編修

傅冠 編修

劉宇亮 廣吉士

薛國觀 推官

楊嗣昌 教授

程國祥 知縣

方逢年 編修

蔡國用 中書

范復粹 推官

姚明恭 廣吉士

張四知 廣吉士

魏焰秉 知縣

謝陞 知縣

張寅 廣吉士

符德譽 唐書士

黃景昉 唐書士

吳姓 如縣

魏藻德 修撰

李建泰 唐書士

方岳貢 主事

范景文 推官

丘珩 唐書士

謝肇淛曰本朝列輔清淳則河東之薛學曾則瑗山之丘剛
方則淳安之商漸孫之岳博大則宜興之徐清介則全州之
蔣殿正則懷留洛陽之二劉銓疏之謝鳳流文雅則長沙之
李育才斷肯樵當則新都京口之楊永嘉之張此則列朝覽
陶英賢輩出皆卓然可稱而無愧于前代諸人者也至高郵
鄒張江陵雖各有所短然為數時名手王山陰沈歸愚置身

清白去就分明避功業未宏而可以式靡過此以往未之或知矣

六科

六科直房在午門外東西相向初在掖門內之西與內閣相對所謂六科館是也以災移外直房洪武初統設給事中六年始分為六科二十二年改給事魏敏卓敬等八十一人為士源先是上以給事中數符元士改為元士至是以六科為政事本源又改為士源未幾復為給事中郭給事則二十四年所增也吏部禮部兵刑工科各部給事中一人左右給事由各一人給事中吏科四人戶科八人禮科六人兵部十人工部四人蓋隨事

煩簡而設員也凡章奏出入或必經由有所遺失抵牾更易奏
亂皆得駁封事有關係抄發過部畧用參語謂之抄部覆錄
入疏中凡朝政之得失百官之賢佞皆許聯署以聞實兼前代
諫議補闕拾遺之職也

六科即唐之補闕拾遺宋改補闕為司諫拾遺為正言唐制
諫官隨宰相入閣此最得為政之要至明革中書省乃並諫
官裁之惟設六科以掌封駁宣德中廷臣誤請諫官不充於
是諫無專職此為缺典洪武十三年五月置諫院官左右司
諫各一人秩正七品左右正言各二
人秩從七品是年
革中書省並革昔言官察官裁然二項如宋時亦尚如此

監察御史初亦言事後惟察事至諫院左右諫議大夫左右

司諫左右正言此專為拾遺補闕之官凡奏疏涉彈擊上即
戒諭而不納故親唐宋言官奏疏雖有可觀後世有糾劾而
解規正蓋以言官繫官渾之為一也

洪武十七年九月給事中張文輔言自九月十四日至二十
一日八日之間內外諸司奏劄凡一千六百六十計三十二
百九十一事上諭曰朕代天理物日總萬幾豈能一一周徧
苟政事有失宜豈惟一民之害將謂天下之害皆惟一身之
憂將謂四海之憂節等能各悉心封駁則庶事自無不當此
六科稽查號件封駁奏章之例也

永樂元年十一月諭都給事中事朱原貞等曰朕慮天下之民

有失所者為爾曹未能盡知致選郡縣考滿官識達事休言
俾於六科辦事如朕有所欲聞即可知彼有所欲言則可達
而又無一人言者夫郡邑之間豈都無一事利害可言今在
朕左右尚默默然況遠十里其肯言乎爾等退以朕意申諭
之此集滿有司按科之例也

永樂二年呂叔給事馬麟等論曰為治貴得大休比爾等疏
駁奏牘一字之誤皆喋喋以言瑣碎甚矣吏治文書叢雜積
累其精力有時而疲豈免錯謬自今奏內有數日月日等字
錯謬者皆令從傍改注用印蓋之不必以聞此抄奏不具題
用印鈐蓋之例也

宣德二年諭六科曰朝廷處刑獄有冤下情不能達故設登聞鼓然前代置院設官托耳目於一人非兼聽廣覽之道我國家命六科給事中輪直最得其當爾等無畏權勢無忽孤雙惟其所言即時為達奏幾事無壅蔽幽隱畢聞況給事中為朝廷近侍誠能效職當應用爾無或阿比以蔽所任此六科直鼓院之例也

正統中路事中張國言六科都左右給事中員缺遠違各科年深者以次陞補英宗謂吏部臣曰給事中乃近侍之官凡朝廷政令得失軍民休戚百官邪慝聚得言之況都左右給事中為之領袖非譏遠大休者不可界也國乃欲循資而用

之不亦舛乎此部科不循資儀之例也

成化中諭六部臣曰天工人其代之若是當行而緩於獲奏
是忽天工之其可乎自今各衙門一應奏題旨意即明白覆
奏發落毋得稽緩五日內不覆奏者該科劾之此科抄發部
定限之例也

弘治六年諭人才難得事貴得實人貴改過祖宗定惜人才
凡百官改滿初仕有平常不稱者俱令復職必待九年然後
照降方面知府年老未滿六年有疾不妨管事素行不謹在
陞任之先及現任不謹罷軟無為非本部訪有實跡或有題
撫題按只是一處糾報并其餘官員到任未及二年非老疾

會稽顧著俱留辦事今後三年期觀之年先期行之而按二
司考合屬應撫理按考方面年終具奏行下該衙門立案待
來朝日從公詳審考察如有不公許其申理其科道官必待
吏部考察後有失當方許指名糾劾此計後拾遺之例也

崇禎三年上諭六科邇來戎馬倥傯稅務煩劇明旨非不臻
嚴奉行尚多遲慢欲令計時集事法當委任責成爾等失與
六曹舊有註銷之規今合再行申飭各掌印官遵奉給事中
一員查理六曹奏旨應行事務某項某日做起某日完結次
第情節勒限奏報少有違玩立付白簡定行責治如爾等自
誤職掌玩忽不遵或議論紛囂致令掣肘悞事一併究處特

諭此六科註銷之例也

附載六科事宜

大學士商輅請以春坊官兼吏科都給事中疏言切照見任
春坊司直郎林聰原籍福建人由正統四年進士太官學識
優長操持端潔存心正直遇事敢言先任刑科掾皆推服今
任春坊司直郎固是美職但節目政務稍簡未免以有用之
才置閒散之地況今吏科都給事中張 久病不出如蒙
乞降特旨着林聰兼吏科都給事中管事如此則恩出於朝
廷非惟本官益竭忠誠勉圖報稱凡有言責者亦皆開風氣
激各思自勉矣臣職居近密偶有所見不敢緘默上命林聰

以司直郎兼吏科都給事中

吏科都給事鍾羽正條議 一吏科當如文選司避嫌夫取
予辭受士人之大節也文選以當銓局戶誠重之矣吏科則
不聞燕陟而是非之權在焉交通迎送坦然而不忌於是苟
同黨穢集宦宦交結之故臣請一如文選杜門而謝客 一
六科宜禁宴會飲食徵逐昏夜沉醉經明禁者屢矣臣自入
仕途知言此事時時憂頽廢之不能過三爵而去送出差者
又以此得罪聖朝寬大原非以醉飽過絕人譽之非正務也
而不經由飭則人反為臣矯臣請一切謝絕息火而省費
一平山外陞轉科中內外之轉原非選擇而一陞之後低昂

領領內者不數年而建牙又不數年而卿戴而後者接連藩
臬或至十數年執掌浮沉而且自風波之險即入臣効忠無
正據地於政休未為平也臣請脩內運之典而司之卓犖者
時時入為京卿而為鄉士者亦使回翔南北少遂其轉徙內
外又遠畧相等處為事理之平 一禁臨陞規避阻轉之途
本錄資俸而少有吏吏則皆議叢生有所轉而告疾先期而
給假者其心非有趨避也而形跡之間誰則諒之請自奉掌
印者非有直疾不許告病即告也吏部于覆本部中廷云以
今資俸合是某官回日不問接補何科陞時止照本詳之次
使其真病軀命之不恤何暇計官使非真病或假托不陞其

所以杜微俸而安義命 一復畫本之例堂上官赴科惠之
此系制書例也各科能守之即各部亦不以為屈而吏科獨
廢豈以吏科尊而不以來乎然此朝廷之公事非給事中所得專亦非給事
中所得廢也宜復其舊 一復賜宴之例七
選事完科臣與部堂比肩而受賜宴此自來舊禮也兵部能
守之兵部亦不以為亢而吏科獨下坐人以為自陳三謨始
然此朝廷之公禮非給事所得改亦非給事所得議也
宜復其舊

禮科初給事中俞懋孳請定會試分考既言房考之設以試
卷之多寡為增減自萬曆癸未以前會試止十七房詩經五

易書各四春秋禮記各二自癸未以易卷多遂省書之一以
增易房仍十七此分經之定額也十七房用翰林十一人六
科三人六部三人此衙門之定額也至萬曆丙戌書卷復多
而易不可裁於是增房十八以翰林充是翰林增一人以今
議再增一人以禮部充是六部亦增一人矣六部可獨缺乎
且如增詩而不增易事有差違閱有註畧士子寧貼服也下
部議奏皆增科一人

吏科都給事中沈惟炳請以署印給事中陪祀疏言按臣科
須知一款每歲大祀天地都給事中各一員入壇陪祀又一
款如左右給事中署印必先具題方入壇今歲皇上親郊該

科部給事中惠世揚奉命未任郊祀大典臣垣職掌所聞而
陪祀之員或於事牀未協今有左路事中臣觀大中見科署
事慮否入壇陪祀謹題請旨查旨准照例陪祀

刑部左給事中左懋第詳察家封疏言奏疏發部有必當審
者有不必審者有可審於事先而不必審於事後者有當審
於今日而不必審於明日者知事關兵机方且動於九天藏
於九地何可不審也如警報何邊寇擾某地靜動之情勝敗
之事廷臣知之以便各獻為荒各要害知之以便共圖防禦
何必審也況邸報之抄傳有定道路之說言無端疑揣轉甚
張皇孔多廷臣縱有所聞未免因而藉口何可審也如制邊

之策諸臣有密奏密之可也邊已安矣仍當使朝臣共知其
何策以安邊動寇之謀諸臣有密奏密之可也寇已平矣仍
當使廷臣共知其何策以勦寇此可密於事先而不可密於
事後者也如建有罪之人不密恐其入將遁人已獲矣則必
昭布其所以逮之故如誅有罪之人不密慮其人將自裁人
已正法矣則必昭布其所以誅之寔此當密於今日而不必
密於明日者也蓋人臣事君原無不可使天下共知之言而
朝廷行事更無不可使天下共知之事惟密原為戎事事或
便便昭然所謂理本相成矣而不失其常也臣今日不言而
使朝廷一時慎密之事因循沿為故例甚至科錄史館皆不

能啟什襲之藏而筆之而一時之疑信猶其小者後世之信史何所取裁且謂塵箴綽綽自臣等封駁之臣始矣

兵科都給事中曾憲選南朝禮疏言臣等西三科輪直武職門籍者遇開朝調取長安左右門守衛官收貯各衙門投到門籍簿扇陰公差患病外中有不到者會同題奏此從來舊例也臣今細察武職各衙門簿籍中有填註差病亦有止造見任見或有差回病痊不填註者又有止填痰嗽不言註籍者且有竟不移會直日該科者臣等每月彙題止據衛官繳到前月門籍簿扇填註差病字樣恐假差參差有難稽察況聖壽元旦諸大禮在通傳宜整肅伏祈勅下該部由飭各衙

門朝後凡有牙牌應朝奏官員務要明白誼註一授長安門
一授直月該科若有差回病愈故違不填及以寒嗽混入希
圖安坐者臣科與直日該科指名奏奏廣朝禮肅而人心知
敬

刑科都給事中孫承澤請復接本之規疏言切照本章者臣
工所以代而對而陳其衷悃也一經聖斷大政大法于是寄
爲事甚重也臣於奉本親政戶部猶見紅本發下各部司官
輪流接接日當曉時內臣捧至會極門東廡各官履行序立
挨次接領依統嚴肅制甚稱善及臣初入垣接事猶如故通
同機務發業發無定時於是六曹不復接本或早或暮但電

會經門內臣發之錦衣直房直房散與各垣夷役遂失當年
之制臣按祖宗朝凡紅本發科猶必令部堂一員親至垣中
畫本尾署小押所以防奸杜弊如此其嚴也況未到科之前
收授一憑下役豈所以重王言而尊典制臣並有請者皇上
勵精圖治實暑涸倫凡係緊要本章無不朝上夕報亦有不
能即裁餘音皆或以事牒稍緩無妨徐發但非疏之人計日
而數費奏之使延頸以望時日稍稽晏生惴惴當此中外多艱
正賴臣工勉効職倘因此而署位開因循之漸事涉生業
勝之端防患於微貽憂滋大況天下事無大小以敬心持之
則小者亦大事無緩急以精力圖之則緩者亦急此大易所

以重行健而自強不息也並望採納施行得古各部司官接
本并部堂到科畫本原有舊規如何竟發着察議具奏據
紅本批發一卷下後殊非典制今當何法傳接并議安奉
本內敬心持之行健不息等語說的是知道了該部知道

尚寶司

尚寶司在午門外西兵科之上初設符璽郎後改今名設卿
少卿丞職在禁庭守寶璽符牌印章而辨其所用有事請於
內既事而藏之凡寶十曰曰奉天之寶以鎮萬國祀天地曰
皇帝之寶以冊封賜勞曰皇帝信寶以徵召軍旅曰天子之
寶以祭享鬼神曰天子行寶以封賜蠻夷曰天子信寶以調

發番兵曰制誥之寶以識誥命曰勅之寶以識勅命曰廣運之寶以識黃道勅籍曰御前之寶以進御座前從軍駕曰皇帝尊親之寶以答賜宗人曰敬天勤民之寶以訓迪百司凡羣寶用宝從寶洗寶與印綬監俱凡扈衛侍衛各牌六號六以警直殿金牌之號五以嚴守衛凡半字銅符之號四以稽巡守凡銅牌之號一以稽卒凡牙牌之號五以察朝參凡祭牌之號三以謹祀事凡雙魚銅牌之號五以肅直衛以潔祀壇凡符驗之號五以給傳郵通制命

大學士張治尚寶司題記

尚寶司掌璽牌符之事國初建符璽郎後改曰尚寶司秩正

三品洪武元年乃置卿一人正五品少卿一人正五品司丞
二人正六品其後大臣子弟以廢補丞者無常員列署左右
掖之內其地至禁密也寶璽之大者曰奉天之寶爲唐宋傳
璽惟祀天地用之凡詔告赦則用皇帝之寶立封及賜勞則
用行寶詔親王大臣調兵則用信寶冊上尊號則用尊親之
寶勅諭親王則用親親之寶祀山川鬼神則用天子之寶封
外夷及賜勞則用天子行寶詔外夷調兵則用天子信寶曰
誥則用誥命之寶曰勅則用勅命之寶勅獎臣工則用廣運
之寶勅諭來朝官員則用敕天勤民之寶凡寶之用必請命
而後發焉天子發祀郊廟若視學籍田勳衛扈從及公族駙

尚都督日衛錦衣當直則給金牌牌之制有龍者虎者麒麟者龜者雲者以其官為差皇城金吾禁衛五城直班則給金牌虎黃題城則給銅符九門守衛則給銅牌錦衣隊討入直則給雙魚銅牌京官之朝參者則給牙牌庶臣以魚字親臣以親字文臣以文字武臣以武字文武官之與陪祀郊廟及祀事人亦給牙牌有圓花長花長素之別凡諸得給牌者有故則檢籍而鈎之親王之國及文武大臣出鎮鎮則給符驗御史出巡案則給印事竣則鈎之稽出入之令而辨其教其事至重也每大朝會則二人以寶導駕先立侍殿中駕出車則二人以騎從寶行其為侍從主親送國初額以文學儒臣

領其職或兼秩爲尚書郎而下非有才名者不得調而然輔大
臣子弟奉持旨乃得補丞他流所勅與焉其選至慎也故事
曹省皆有題名而符司缺焉嘉靖丁未分宜東樓嚴旨以太
常少卿領司事乃蒐諸族牘自洪武而下迄於今得若干人
刻其姓名爵里立石于長安之直廬以稽往而昭來也步張
子記之治曰寶者人居所以信其令于天下者也名者居子
所以信其行于後世者也人居之于寶則託官以守之者慎
其令也然則居子之於名其賢不肖間於勸懲者至遠也顧
可以弗思慎乎哉夫德者所以慎其名之具也是故人君有
慎令而後天下無邪政是謂治法居子有慎名而後終身無

邪行是謂治人以治人而守治法則身安而國家可長保也
嗚呼豈獨尚寶然哉此東樓所謂題名意也

明之各寶皆內尚寶監女官掌之遇用寶則尚寶司以揭帖
赴尚寶監尚寶監請旨然後赴內司領取或用寶三萬餘顆
歲終尚寶司奏進數目

職官入朝皆佩牙牌其官職鑄牌上拜官則於尚寶領出出
京及違轉則繳還唐人百官隨身魚符一右一左左首進內
右首隨身皆盛以袋宋賜命帶者例不佩魚惟兩廡賜佩為
之重金

各處巡撫總兵泰將等官俱請渡馬或單馬或渡船或單船

符驗先候兵部題本得旨車駕司以手本送尚書司尚書司
又題本得旨然後給與勘合起送印發關領他日繳納又從
車駕司送尚書司彙繳

附載煎熬實色法

大麻子油十八斤 一次下皂角四十五兩 二次下金毛
何來丸團 三次下白芨十八兩 四次下白礬九兩密陀
僧一兩八錢 黃丹一兩八錢 無名異九錢 茺香二兩
五次下蜜香二兩 地蓮灰二兩 甘松二兩 三奈二兩
茯苓香二兩 麝香五個

附載燙髮記

弘治十三年七月陝西都司都指揮使楊敬等奏據西安府
鄠縣道安里軍人毛志學狀本年六月二十二日午時在本
里趙綸村沿河邊漂沐得一玉璽臣等辨得篆文係足受命
於天既受永昌八字背有螭紐其色洗白光彩異常厚一寸
連紐二寸方員一尺四寸四分完全篆文明亮刻劃奇古殊
無瑕玷遞撫左都御史熊鼎會驗此即歷代傳國璽也除璽
該熊鼎差官覈進外謹具奏聞

天啟甲子九月初四日河南臨漳縣民邢一泰於粉店東
去磁州八里漳河西畔得一玉璽大如斗縣令何可及驗其
文曰受命於天既壽永昌方各四寸厚三尺餘重一百一十

而執之部察院副都史趙撫河而程紹泰謂曰秦璽之不足
徵久矣今璽之出適在臣疆內道路喧噪流聞禁閭既不應
還壅地下又不敢私人問欲遣官恭進關庭跡涉貢籍非
臣誣所宜亦恐皇上之所寶者在彼不在此臣雖什襲進之
皇上且瓦礫置之也謹先馳奏關候命進上昔者王孫園不
寶玉珩齊威王不寶照乘圭夷偁伯猶知尊賢瑾善極樞史
冊況於聖明之朝全盛之世乎今之大臣如總憲郭元陳馮
從吾尚書王紀盛以弘孫慎竹侍即曾于汴等憂國奉公白
首魁艾又有一斤不還之詞臣久錮不起之望諫思皇多士
國之寶臣不能挽回天聽況致明廷徒獻符寶璽致七十二

代之故事臣竊羞之伏望皇上踐履大寶克受貞符怡神家
慈親賢納諫在朝之忠直勿事宦拘遺野之名賢急為登進
玉璫志於清朝瑚璉賣於明堂共襄大器永固金甌雖謂虞
舜黃鑒夏禹玄圭至今存可也區區傳聞其真偽豈足
論哉

秦璽至漢已亡後之僭竊多偽為之其不足重明矣秦中所
進上合禮部察驗謂與璽耕錄所載秦璽規製不合僅賞軍
人毛志學銀五兩此弘治之所以為弘治也河南所報上合
貴進天子親御文華門璽貯御前逆閹親忠賢手捧之璽軒
頒示群臣皆呼萬歲傳制受賀而羅此天啟之所以為天啟

也經公一派煥然千古矣丁酉六月曠書得中書謝後寧所
藏弘治時篆文又於廣東陳山人高得大教時題文裝為一
冊記其事於後還谷記

中書科

中書科直房在午門外之西初中書省設置省舍人後並省
為科定中書舍人二十人無正貳印屬資深者掌書誥勅冊符
鐵券凡草請翰林院室諸諸內府左春室諸諸諸古今通集坐
凡誥勅勅合籍以急就章為院凡誥勅之院四曰仁曰十二文曰
文行忠信曰千字文以千號為滿滿則終

所與司天子詞命親王郡王并妃初膺封號合受金銀冊則

書之自郡王以下至奉國中尉自王夫人以下卿君舍給誥
命則書之凡公侯伯初受封爵舍給鐵券凡勅戒內外交武
官應給勅命誥命則書之其職掌至重也每大朝會則擬四
員與翰林史官上殿東西班對立凡東宮諸舍朝賀定擬二
員文華殿導駕侍班凡會試一員入場收掌試卷日給大官
酒錢與翰林院官坊尚寶司六科同為侍從之臣諸司無相
並者其地舉至清也其選用自進士外舉人與纂修書成後
恩典皆乃得之監生生儒雖有勲勞大臣暨官僚諸官有子
孫宜承廕叙奉特旨者乃得之至文華殿門東房別設中書
舍人以直職事奉旨書寫書牘等項武英殿門西房別設中

書舍人分直職事表音寫家冊寶圖書等項內閣諸勅制勅
二房中書不屬中書科

天順六年九月中書舍人楊貴方言當時諸勅制合字號圖
主明體字並封用文行忠信字文官二品以上用仁義禮智
字三品以下用十十字新製武官諸命初編用二十八宿字
續編用十十字永樂三年十一月內以武官諸命二十八宿
字編並該中書舍人尚書奏請同翰林院學士兼右春坊大
學士解縉等議用百家姓編奉旨惟用漢唐魏晉字今文官
三品以下諸勅十十字號俱已編盡乞勅翰林院別取他字
編號庶無重複上命用十二文字編之

由外文武官應給誥勅俱於翰林院領寫其新製武官誥命
自有議定誥文請繕繕誥俱從兵部徑自送黃旗漢

王府誥勅親如王俱用冊惟親郡王生母封夫人者仍給誥
命雲鳳如舊製鎮國將軍及夫人用玉軸輔國將軍及夫人
犀軸奉國將軍及夫人鎮國中尉及夫人俱全軸輔國中尉
及宣人奉國中尉及安人俱角軸郡主及郡主儀賓羊軸縣
主及縣主儀賓鄉君及鄉君儀賓俱角軸

文武官誥勅軸者製官一品雲鶴錦夫人雲鶴錦俱玉軸二
品獅子夫人鴻鵠保羊軸三品四品瑞荷淑人恭人芙蓉俱
金軸五品瑞草宣人四字花俱角軸六品七品安人孺人俱

葵花爲太軸及八品九品官同文用玉簪家或用桐葉家品
級花樣引首同新製武官諸軸一品至七品俱鑲甲葵花引
首抹金軸仍用桐葉家文今兼用之

石氏外集曰中書舍人以進士起家爲此者有官而無署其
俗謂中書科者乃因與六科聯署而借言之實文務奏疏不
入此字也其職素惟用宣之時同官知供事蓋尚是政府之
遺法其他引班等職則以補科員不足亦以聯署而次之耳
旋無錫寫之職其以還入制勅房者爲進士事爲之今止以
待奉人之高選其職爲草或臣諸命贈卹諸勅諭祭文此外
制也亦不與錫寫其餘兩房吏繕文筆授則以繕寫爲職而

武英殿辦事及舊有仁智殿辦事則且及於畫即古之書畫
學又不持繕寫也至於資入而殿者則借以帶御寶無職掌
也銜皆可離事蓋在辦事不在中書也以中書多滿而為兩
殿中書耳而殿資深者亦有較理書籍之名書不在殿何以
得較此欲文其名而失實也

附載

唐最重詩命開元二十三年加皇子榮王以下官詔張九齡
蕭嵩等十三人就集賢院人書一通以進三相各賜絹三百
疋餘官二百疋其愛重如此

唐制非官之日即給告身其人先輸朱牒綾紬價錢方准書

給即今之誥勅也宋之制亦無每至宣麻誥告鎖院演繹詞頭以下外人未知其密且重如此

明初非官之初亦給誥勅其後除授陞遷止奉或命吏部給書旨意移以咨割以為憑據至考滿革恩方給誥勅以獎其成

隆慶中司馬王崇古以泥金書軸請室為言者所糾然舊制皆名手書如顏魯公自書告身朱臣川一人而顏魯公徐季海俱為之書巨川賴此以傳至宋即割書字兼真行草得歐蘇便奉為寶

崇禎元年上半年諭近來誥勅文字繁稱過情殊為非体以後撰

擬不由詞臣繕寫不由中書者俱與著實查取

光祿司

光祿寺在皇城東華門內初為宣徽院尚食尚醴二局繼改光祿寺掌祭饗宴芳酒醴膳羞之事辨其名數會其出入量其量酌以聽於禮部凡祭祀請畀牲進飲福酒昨凡荐新供品物凡喪羞供祭物凡牲菓嘉蔬絲上林苑供不給而諸民視時估十加一凡市直季支凡供獻果鮮厨科省受之凡器皿務三部言蒙工兼作之歲省其成敗凡宴侍者吏貢便差其等供之凡傳奉宣索籍記而覆奏之監以科道官各一人其屬四署曰大官曰珍羞良醢掌醢司牲司牧二局隸焉

元人王惲云有旨講究光祿寺職掌寺典卿漢官也應劭云
光明祿爵勲功也言光祿典即謁者虎賁羽林舉不失德賞
不失勞故曰光祿勲即中令秦始置掌宮殿門戶及諸郎在
殿中之侍衛者故曰郎中今漢因之不改北齊隋唐此掌膳
許左丞漸作新定官制固大抵以唐為則品從署與金同洪
武元年正月初八日諭今後但係光祿寺買辦一應供用物
件比與民間交易價錢每多十文且知肉果之數及諸項物
件民人交易一百文一斤光祿寺買辦酒湏要一百十文隨
物貴賤每加一分賣物之人照依時估多取十文利息
宣德五年二月行在光祿寺廚士告言光祿竊減外夷供給

之弊上命行在刑部侍郎施禮執而罪之且諭禮曰先祿寺之弊不止此祖宗以來飲食供給皆有定規比開禮自增減應給之人率不得能得者率非應給之人惟虛立案牘掩人耳目宣完治之因竊侍臣曰母謂飲食細故不干大休華元殺羊宰士羊斟不與遂致喪師勾踐投醪於江與吳共飲士心感悅遂成伯業以此而論所繫非輕

正統二年諭比開進宮中食物所用器皿扛索十還一二重復造用甚費財擾民今後凡進食物必須印官揭帖烙音器皿扛索之數與收領內官姓名尚膳監如數還之不足即以奏聞敕院瞞扶同者悉坐以罪復勅宮中六尚司知之

寺中額設銀二十四萬先時止用銀十二萬餘至正嘉靖用

至三十六萬緡緡不足嘉靖中厨役用四十一百名一日傳
聞臣面諭曰今無論祖宗時兩宮大分盡省九嬪僅十餘宮
中罷宴設二十年矣矣日用膳品悉下料無堪謝者十壇供
品不當一次茶飯朕不省此三十餘萬安所用也聞臣對祖
宗時光祿寺除米豆品外儉鮮本色歲額定二十四萬後
時該寺歲用不過十二三萬節年積有餘創後加添至四十
萬近年稍減乃用三十六萬其花費情弊可知而冒費之弊
有四一傳收錢糧原無印記止憑手票取討莫敢問其真偽
一由外各衙門開支酒錢或一人而支數分者或其事已完

而酒飯尚支音一門禁不嚴下人浸盜無算一年歲增買磁
器數多臣查得會典內一款凡本寺供用物件每月差御史
一員照刷其奏內府尚膳監刊刻花欄印票遇有上用諸物
某日於光祿寺取物若干用印鈐蓋照數支領進用本寺仍
置文簿登記歲終會計稽查此一例不知何年停罷若查後
舊規則諸弊可革矣乃切責該寺官而添差御史月籍該寺
支費進覽

崇禎十五年三月光祿寺揭報

皇膳每日三十六兩每月一十四十六兩廚料在外又菓芳
靈露飲用粳米老米黍米在外皇后膳每日十一兩五錢每

每月三百二十五兩厨料二十五兩八錢懿安皇后同永乾
貴妃翊坤貴妃兩宮每月各一百六十四兩皇太子膳并厨
料每月一百五十四兩九錢定王永王兩宮每月各一百二
十兩

光祿寺每月冊奏一切內外諸費約用二萬餘兩此余在戶
垣值光祿揭報之數

附載

神宗朝宮膳豐盛列朝所未有不支光祿錢報彼時內臣甚
富皆令流輪絡繹以華侈相勝又收買香奩玉器侑饌謂之
孝順上惟歲時賞賜而已至崇禎禁止一日飲食未糖肉豕

奏令御膳監製造士間一料所費幾何對曰得銀八兩上以
銀三錢令赴市價之須更給一錢至二分給各皇子公主笑
曰此輩須入西郭

正德中鄭宗仁以太僕卿調光祿卿凡供慮俱照弘治初年
例日省百金上幸光祿寺樓呼之為節儉管家